

Thursday, May 8, 2025

Time - 2:30pm - 2:35pm

REGIONAL NEWS BULLETIN

(MIDDAY)

CM

Chief Minister Pu Lalduhoma'n tunlai khawvela eizawn theihna pung zel chu hman tangkai thiam a pawimawh a ti a, a thawkchhuaktu ni turin kutkawih eizawna tlak thiamna neih a pawimawh thu a sawi.

Mizoram State Rural Livelihoods Mission (MzSRLM) hnuaia, Community Managed Training Centre (CMTC) hmasa ber Thenzawl-a a hawna ah he thu hi a sawi a, Chief Minister chuan khawvel changkang zel ruala ke pen thiam a pawimawh tih sawiin eizawna dap thiam a pawimawh a ti a, midang te nena pawl insiama thawhho thiam a pawimawh thu sawiin taima taka thawh chuan Self Help Group chu dinchhuah pui tlak anih thu a sawi bawk.

Byte : Chief Minister

Chief Minister in a hawn tak Community Managed Training Centre hi Vantawng Self Help Group din niin Vantawng Cluster Level Federation in an enkawl dawn a ni.

Tun dinhmunah Mizoram State Rural Livelihoods Mission (MzSRLM) hnuaiah hian SHG member 11,257 an awm mek a ni.



LADC CEM

Lai Autonomous District Council Chief Executive Member atan tukin khan MDC Pu N Zangura chu rinawmna thu tiamtira lakluh a ni.

CEM lakluhna inkhawm hi LADC a Executive Secretary Pu K.Lalthanzara'n kaihruaiin, CEM lakluhna ah hian United Democratic Alliance a tel MDC te bakah BJP hruaitute leh Official pawimawh zual te an tel a, CEM lakluh tur hi Lai Students' Association ten dan an tum ni a hriat a nih avangin LADC Office Complex, Council Veng leh New Vengpuiah te BNSS hnuaiah ni 2 chhung punkhawm khap a ni.

CEM thar Pu N.Zangura chuan CEM atan lakluh a nih hnu ah a pisa luah nghalin a kaihruai Sorkar indin chhoh dan ah mi thenkhat ten felhlel leh fuhlo a awm nia ngaitu an awm tih sawiin, dan dinglai palzutna an neihloh thu leh duhthlanna an neih hmangin Sorkar an din thu a sawi a, mimal hamthatna leh

duham vanga Sorkar din an nihloh thu leh a kaihhruai Sorkar chuan theihtawp chhuahin hmasawn turin hna a thawh tur thu a sawi.

Puan tawh angin, LADC-a sorkar mumal a din theih loh avangin boruak a tang chho reng a, BJP leh MNF thawhdunna, United Democratic Alliance CEM atan MDC Pu N Zangura Governor in a ruat hnuah Larsap chuan nimin khan thuchhuah siamin a thupek lo siam tawh LADC CEM atana Pu V. Zirsanga ruatna chu a thiat leh a, ZPM Legislature Party leader Pu V. Zirsanga kaihhruaiin kum 2025 – 2026 budget an passed tawh pawh a thiah sak a, Governor chuan CEM thar Pu N. Zangura’n thuneihna a lak hma chu hmalakna thar awm tawhlo turin thu a chhuah a ni.

Hetih lai hian Lai Student’s Association chuan vawiin khan thuchhuah siamin CEM lakluhna mipui hriatloha buatsaih chu Lawngtlai District mipuite zahlohna ani an ti a, hriatthiam harsa an ti tih sawiin a tul angin hma an la zel dawn tih an sawi bawk.

LADC ah hian tun dinhmun ah BJP MDC pahnih, MNF MDC 11 leh thlawptu Congress MDC pakhat nen BJP kaihhruai United Democratic Alliance ah hian Member 14 an awm a, ZPM in Member 11 a nei bawk a ni.



LS MP

Lok Sabha MP Pu Richard Vanlalmangaiha chuan nimin khan Minister of State for Road transport & Highway Ajay Tamta chu a chenna ah hmuin Mizoram a kawng pawimawhte chu ruah tam hmaa a theih ang anga siam rang turin a ngen.

Pu Richard-a chuan Mizorama Ruah tui tlak hun chung a rei avangin National Highway No 6 Mizoram chak lak luhna ber Vairengte leh Sairang Buichali inkar siam thatna tura hmun thenkhata Tender an chhuah tawh chu a rang thei ang bera Furpui thlen hma ngeia a tam thei ang ber siam hman turin a ngen a. Minister pawn theih tawp a lo chhuah tur thu a hrih bawk a ni.

Pu Richard-a hian Mizoram chu ruahtui tamna hmun a nih avangin Mizoram chhunga kawngpui te chu a lo flo zawk theih nan a tam thei ang ber chu concrete pavement a siam a nih theih nan hmalakpui turin a ngen a. Concrete pavement hi Mizoram sorkar leh Chief Minister duh dan a nih thu a thlen nghal bawk a ni.



AIZAWL TWO WHEELER TAXI

Aizawl Two Wheeler Taxi Association chuan, Ram leilung fate chanvo hum him zelnah turin, hnamdang Two Wheeler Taxi khalh an awm leh awmluh dapchhuah an tum thu an sawi.

Aizawl Two Wheeler Taxi Association General Assembly chuan thuchuah siamin ramdang mi taxi khalh an awm leh awmluh dapchhuah an tum thu an sawi a, hemi kawng ah hian sawkar thuneitute leh mipui te thawhpuina an ngen thu an sawi baw.

ATTA President Pu Lalfakmawia sawi danin Two Wheeler Taxi neitu te chuan Two Wheeler Taxi khalhtu atan ram leilung fate ngei khalhtir thin turin mipuite a ngen thu a sawi a, lirthei tihral tum te chuan, ram leilung fate hnen ah ngei tiral thin turin leh hnamdang hriatchian loh te hnen an lirthei te tiral lo tura a ngen thu a sawi.

Byte .. ATTA President

ATTA chuan hnamdang leh ramdang mi Voters ID leh Aadhaar Card neilo in two wheeler taxi khalh a an eizawnna an kal pui chu an duhloh thu sawiin India khua leh tui nihna nei zingah pawh hnamdang ILP nei te chu ILP in a phut ang nilo a Two Wheeler Taxi khalh an awm a nih chuan thuneitu hnen ah thlen zel an tum thu an sawi baw.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah thin a ni.

Zanin dar 6 leh a chanve-ah Chanchinthar hi puan leh a ni ang.

